

## PRIMJENA TARIFNIH STAVOVA ZA ELEKTRIČNU ENERGIJU U BiH

Prema sezoni primjene, tarifni stavovi se utvrđuju i primjenjuju na sljedeći način:

### Javni snabdjevač: MH „Elektroprivreda RS“ ad Trebinje

- a) niži sezonski tarifni stavovi (NS) primjenjuju se u periodu od 01. aprila do 30. septembra;
- b) viši sezonski tarifni stavovi (VS) primjenjuju se u periodu od 01. januara do 31. marta i od 01. oktobra do 31. decembra.

Odnos viših i nižih sezonskih tarifnih stavova iznosi 1,5:1.

Niži i viši sezonski tarifni stavovi se utvrđuju za kategoriju potrošnje „domaćinstva“ i grupe kupaca iz kategorije potrošnje „ostala potrošnja na niskom naponu“ kojima se snaga ne mjeri.

Niži i viši sezonski tarifni stavovi se utvrđuju za tarifne elemente „obračunska snaga“, „aktivna električna energija“ i „prekomjerno preuzeta reaktivna energija“.

Prema dnevnom periodu primjene, tarifni stavovi se utvrđuju i primjenjuju na sljedeći način:

- a) veći dnevni tarifni stavovi (VT) primjenjuju se u periodu od 06,00 do 22,00 časa za radne dane u sedmici za zimsko računanje vremena, odnosno od 07,00 do 23,00 časa za ljetno računanje vremena;
- b) manji dnevni tarifni stavovi (MT) primjenjuju se u periodu od 22,00 do 06,00 časova narednog dana za radne dane u sedmicama zimsko računanje vremena, odnosno od 23,00 do 07,00 časova za ljetno računanje vremena i u dane vikenda neprekidno od petka u 22,00 (23,00) do ponedjeljka u 06,00 (07,00) časova;
- c) Manji dnevni tarifni stavovi primjenjuju se i u dane državnih praznika od 00,00 do 24,00 časa pod uslovom da je kupac obezbijedio odgovarajući način mjerenja.

Odnos većih i manjih dnevnih tarifnih stavova iznosi 2:1.

Tarifni stav za aktivnu električnu energiju za tarifne grupe sa jednotarifnim brojiлом iz kategorija potrošnje na niskom naponu, i to 1. tarifnu grupu iz kategorije potrošnje „domaćinstva“ i 2. i 6. tarifnu grupu iz kategorije potrošnje „ostala potrošnja na niskom naponu“, utvrđuje se u iznosu 80% većeg dnevnog tarifnog stava tarifne grupe sa dvotarifnim brojiлом iz iste kategorije potrošnje i iste namjene potrošnje električne energije.

Veći i manji dnevni tarifni stavovi se utvrđuju za sve kategorije potrošnje, izuzev za 1. tarifnu grupu iz kategorije potrošnje „domaćinstva“ i 2. i 6. tarifnu grupu iz kategorije potrošnje „ostala potrošnja na niskom naponu“ i kategoriju potrošnje „javna rasvjeta“.

Veći i manji dnevni tarifni stavovi se utvrđuju za tarifni element „aktivna električna energija“.

Tarifni stav za prekomjerno preuzetu reaktivnu energiju utvrđuje se i primjenjuju samo za period primjene većih dnevnih tarifnih stavova.

Za kategoriju potrošnje „javna rasvjeta“ primjenjuje se samo tarifni stav za aktivnu električnu energiju i to u istom iznosu za sve dnevne i sezonske periode.

### Javni snabdjevač JP „Elektroprivreda BiH“ d.d. Sarajevo

- (1) Za kategoriju domaćinstvo veći dnevni tarifni stavovi primjenjuju se od 7:00 do 13:00 h i od 16:00 do 22:00 h, tokom zimskog računanja vremena,
- (2) Za kategoriju domaćinstvo manji dnevni tarifni stavovi se primjenjuju od 0:00 do 7:00 h, od 13:00 do 16:00 h i od 22:00 do 24:00 h, tokom zimskog računanja vremena, te nedjeljom,

- (3) Za kategoriju domaćinstvo veći dnevni tarifni stavovi se primjenjuju od 8:00 do 14:00 h i od 17:00 do 23:00 h, tokom ljetnog računanja vremena,
- (4) Za kategoriju domaćinstvo manji dnevni tarifni stavovi se primjenjuju od 0:00 do 8:00 h, od 14:00 do 17:00 h i od 23:00 do 24:00 h, tokom ljetnog računanja vremena, te nedjeljom,
- (5) Za sve kategorije osim kategorije domaćinstvo veći dnevni tarifni stavovi primjenjuju se od 7:00 do 22:00 h, tokom zimskog računanja vremena
- (6) Za sve kategorije osim kategorije domaćinstvo manji dnevni tarifni stavovi se primjenjuju od 0:00 do 7:00 h i od 22:00 do 24:00 h, tokom zimskog računanja vremena, te subotom i nedjeljom,
- (7) Za sve kategorije osim kategorije domaćinstvo veći dnevni tarifni stavovi se primjenjuju od 8:00 do 23:00 h, tokom ljetnog računanja vremena,
- (8) Za sve kategorije osim kategorije domaćinstvo manji dnevni tarifni stavovi se primjenjuju od 0:00 do 8:00 h i od 23:00 do 24:00 h, tokom ljetnog računanja vremena, te subotom i nedjeljom.
- (9) Omjer većih i manjih dnevnih tarifnih stavova je 2:1 po tarifnom elementu aktivna električna energija.

### **Javni snabdjevač JP „Elektroprivreda HZHB“ d.d. Mostar**

- (1) Viša (zimsko) sezona traje od 01.01. do 28/29.02. i od 01.11. do 31.12.
- (2) Niža (ljetna) sezona traje od 01.03. do 31.10.
- (3) Veći dnevni tarifni stavovi primjenjuju se od 07:00 do 13:00 h i od 16:00 do 22:00 h, tokom zimskog računanja vremena.
- (4) Manji dnevni tarifni stavovi se primjenjuju od 00:00 do 07:00 h, od 13:00 do 16:00 h i od 22:00 do 24:00 h, tokom zimskog računanja vremena, te nedjeljom.
- (5) Veći dnevni tarifni stavovi se primjenjuju od 08:00 do 14:00 h i od 17:00 do 23:00 h, tokom ljetnog računanja vremena.
- (6) Manji dnevni tarifni stavovi se primjenjuju od 00:00 do 08:00 h, od 14:00 do 17:00 h i od 23:00 do 24:00 h, tokom ljetnog računanja vremena, te nedjeljom.
- (7) Omjer između više i niže sezone je 1,3:1, po tarifnim elementima aktivna električna energija i obračunska snaga, dok je omjer većih i manjih dnevnih tarifnih stavova 2:1 po tarifnom elementu aktivna električna energija.